

Ipurbeltz- Superbaten ale berria kalean dago

DONOSTIA

Ipurbeltz haur eta gazteentzako aldizkariak eta pa berri bati ekin dio egunotan eta ale berri bat jarri du salgai Eguberri egun hauetan. 17 urte baditu ere, Ipurbeltz-Superbat zeharo eraberriturik dago salmenta-postuetan.

Ipurbeltz 1977ko abendua agertu zen lehenengoz kalean eta urte hauek pasatu ostean 204. alera ailegatu da, «modernoago eta erakargarriago», komiki aldizkariaren arduran arabera. Izan ere, Ipurbeltzek komiki berria eskainiz ospatu nahi izan zuen 200. alea, gaurko haurren gusto, ilusio eta eskakizunei erantzungo ziena.


Ipurbeltz Euskal Herriko neska-mutikoei zerbait dibertigarria eskaintzeko gogoz jaio zen, «haurren aisialdi zati bat betetzeko asmoz». Helburua, azken batez, eskolatik kanpoko denboran txikiekin bat egitea zen, jai eta oporretan lagundu, «ondo pasa eta dibertitzeko».

Egun xede bera du Ipurbeltzek, «oso garrantzitsua iruditzen baitzaigu haurrak euskaraz dibertitzea, euskara eskolara ez mugatzea». Komikiaren arduradunen iritziz, «euskara garatzea eta normal haztea nahi badugu, gazteenen jolasbide gogokoe-na izan beharko du».

Hau dela eta lotu nahi izan dute aldizkaria ikusentzunezko komunikabideek publiko gazteenari eskaintzen dioten programazioarekin: «Zorionez edo zoritxarrez haurrek telebista ikusten ematen dute beren aisiaren zati handi bat.

Neska-mutiko euskaldunek primeran pasatzen dute pantailaren aurrean, Superbateko programak ikusten, izugarri maite dituzte hango pertsonaiak: Xabi Metal, TrikiFlash, Kixkur... bat egiten dute haiekin (...) Zergatik ez jarraitu programan, primeran pasatzen... Superbateko pertsonaiak agertuko dizkien komiki-aldizkari batean, abentura berriak, ateraldi harrigarriak, umore eta guzti?».

Ipurbeltz-Superbat koloretako 32 orrialde betebete dira. Aldizkariaren prezioa 2.835 pezetakoa da urtean eta Superbateko kidea izanez gero, gazteek % 25eko deskontua izaten dute.



Guztira arkeologikoki interesa duten 121 toki topatu dituzte Araban azken bost urteetan.

Arabako aztarnategi arkeologikoen erakusketa zabaldu dute Gasteizen

Azken bost urteetako arkeologia lanen berri ematea du helburu

Urgentziatzko Arkeologia Araban 1989-1993' izenarekin atzo Gasteizko Arkeologia Museoaan zabaldu zen erakusketa Araban zehar azken urteetan egin diren arkeologia lanen eta aurkitu diren aztarnategien berri ematea du helburu. Arkeologia lan guztiak 'urgentziatzko programaren' barruan egin dira.

GASTEIZ

Aztarnategi horiek ez dira arkeologia programaren barnean landu, ez baitziren ezagutzen. Aurkitu ahala 'urgentziatzko arkeologia' deitu programaren babesean jarri dira eta berauen lanaketa hasi da. Azken bost urte hauetan 53 milioi pezeta gastatu dira aztarnategiak urgentziatzko bidetik konpontzen. Pieza balioitsuak aurkitu diren edota interes arkeologikoa duten lekuak 121 izan dira guztira.

Pedro Ramos Kultura diputatuak adierazi duenez sarritan «aztarnategiak kasualitatez topatzen dira. Edozein motatako lanak hasi, bideak, etxeak, ubideak edo gasbideak direla, eta aztarnategi ugari topatu izan da.

Ez da erabat harrizkoa aurkikuntza hauek egitea, gizakiak milaka urte baitaramatza munduan eta logikoa da, lehen orain bezala, bizitzeko leku onenak aukeratu izana. Horregatik ez da harrizkoa N-1 errepidea erromatarren galtzada nagusiaren gainean eraiki izana. Azpiegitura lan askotan aurkitzen dira aztarnak eta kasu horietan 'urgentziatzko arkeologia' deituriko programa jartzen da martxan».

Azpiegitura lanez aparte, ugari dira arkeologia aztarnaren bat topatu duten arabarrak. Nekazariak kasuko, lurra lantzean balio arkeologiko handiko tresnak topatu baitituzte. Horiak guztiak orain urte batzuk bertan utzi edota suntsitu egiten ziren, baina gaur egun gordetzeko ahaleginetan ari dira erakundeak. 'Urgentziatzko arkeologia' programak Arabako Foru Aldundiko Kultura, Garraioak eta Ingurugiroa, Ekonomia eta Plangintza eta Herrilan sailen laguntza izan du.

**PROGRESUA
ETA ONDARE
KUTURALA**

Amelia Baldeon Arabako Arkeologia Museoko zuzendariaren ustean urgentziatzko arkeologia hau «ezinbesteko da eta azken urteetan oso ikerketa eta erakusketa interesgarriak sortarazi ditu Europa

osoan zehar. Interbentzio hauekin dudarik gabe ondare arkeologikoa aberastu egin da eta guk geuk ere gehiago ezagutzen dugu berau. Baina hori baino garrantzitsuagoa zera da: progresuaren ideia ondare kulturala zaindu behar diren ideiarekin ezkondu dela. Datu garrantzitsu bat dago hori azaltzeko, hau da, 121 aztarnategi berri aurkitu dira, gehienak azpiegitura lanen ondorioz. Horieta batzuk oso garrantzitsuak dira. Urgentziatzko programarik gabe deuseztu edo estali egingo ziren aztarnategi hauek». Aipagarri da Buradon Gatzagan Euskal Herriko eliza zaharrena aurkitu izana, edota Bastidako Kristo Santuaren baselizan oso balio handiko kaliza eta oteunpekoak topatu direla.

Erakusketa hiru fasetan egingo da. Handia izaki, museoari espazio arazoak sortzen dizkio eta beraz Araba zonaka banatuta zatika agertuko da ondare arkeologikoa. Atzo bistaratu zen lan multzoa Arabako Errioxan topatutakoa da, hiru hilabete barru Lautadako lanak bistaratuko dira, sei hilabete barru, mendialdeko eta beste arantakoak. Urterilean zehar museoan hainbat arkeologo eta jakitunek hitzaldiak emango dituzte. Asteartetik ostiralera goizean eta arratsaldean bisita daiteke erakusketa.

EAEko museoek informazio guztia informatizatuko dute

GASTEIZ

Euskal Autonomi Elkarteko museoek baliabide informatikoan izango dute artearen hainbat arlori buruzko informazio guztia. Datu hauetara guztietara ordenadore baten bidez helduko da, Pedro Ramos Arabako Foru Aldundiko Kultura diputatuak adierazi duenez.

Pantaila horren bidez arteari buruzko hainbat datu eta zehaztasun izango dira EAEko hiru lurraldeetako museo nagusietara hurbilduko diren herriarren eskura. Sare honetan Bilbo eta Gasteizko Arte Ederretako museoak eta Donostiako San Telmo museoak izango dira loturik.

Pantailan artista eta hauen obra eta jardueri buruzko informazioa jasoko da, baita beraiekin zerikusirik daukaten gertaera edo ospakizunak ere bai.

Orain artean ez dago EAEko museoetan ezin informazio puntu informatiko. Ekimena datorren urtearen hasieran hasiko da gauzatzen, iturri beren arabera. Berrikuntza teknologiko honek Madrilgo El Prado museoan funtzionatzen du jadanik.

EAEko hiru diputazioek hitzarmen bat sinatuko dute Eusko Jaurlaritzarekin azpiegitura hau jartzeko. Honek aukera emango die ikasle zein arte zaletuei zentro horietan guztietan dagoen informazioaz jabetzeko.

Erakundeek onartutako Euskadiko Museoetarako Plan Nazionalan Gasteizko Arte Ederretako museoak ere sartzen da. Eraikuntza hau berritatzeko erabaki zen aurrekontua 800 milioi pezetakoa da. Arabako museoak arte garaikidean dago espezializatuta.

Museoaren ondoko zentroa handitzeko proiektua 1995eko hasieran garatuko da. Eraikuntza hau Gasteizko Udalak utzitako lurretan egingo da. Honetarako bost milioi pezetako aurrekontua onartu dute.

Euskadiko Museoetarako Plan Nazionalak, halaber, Arabako Arkeologia museoak ere sartu du bere baitan. Audioko Gastronomía museoak ere organigrama horretan sartzea aztertzen ari da Administrazioa.

IRAGARKI MERKEAK (943)300222

GERO. AXULAR

MACINTOSH - WORD

JAKINTZA BAITHA

Josu Lavin. PAIDEIA

Urkiola, 1. 1-C ☎ (94) 4300391

48990 ALGORTA-GETXO

31 x 33ko
BI MODULO

EGUN BAT 4.400 pta/147 l
ASTE BETE 21.400 pta/714 l
BI ASTE 37.800 pta/1.260 l
HILABETE 52.500 pta/1.750 l

31 x 33 mm

31x33
MODULOAK

EGUN BAT 2.200 pta/74 l
ASTE BETE 10.700 pta/357 l
BI ASTE 18.900 pta/630 l
HILABETE 26.250 pta/875 l